

沈乃文 主編

明別集叢刊
第一輯

第十五冊


黃山書社

沈乃文 主編

明別集叢刊 第一輯

第十五冊

黃山書社



(明) 劉炳 撰

劉彥昂集九卷

清乾隆寫文淵閣四庫全書本

欽定四庫全書

集部
劉彥昂集卷一至五

詳校官庶吉士臣朱理

中書臣劉源溥覆勘

總校官進士臣朱鈐

校對官編修臣沈清藻

謄錄監生臣楊潤

欽定四庫全書

集部六

劉彥昂集

別集類五明

提要

臣等謹案劉彥昂集九卷明劉炳撰炳字彥昂以字行鄱陽人洪武初獻書言事授中書典籤出為大都督府掌記除東阿知縣閱兩考引疾歸明史文苑傳附載王冕傳中所著詩文本名春雨軒集乃其門人劉子昇所編楊維禎嘗為評定其評亦附載集中維禎及危素宋濂皆為作序王禕俞貞本周象初皆為作跋此本題曰劉彥昂集不知何人所改也炳當元季兵亂時與弟煜結里閭相保冠至輒卻走依余闕於安慶以其孤軍不振辭歸益亦才識之士故詩格伉爽挺拔類其為人惟末附雜文一卷氣象藹弱殊遜其詩知所長不在此特以餘事及之矣案炳事跡具明

欽定四庫全書

劉彥昂集提要

史文苑傳中而江西通志引豫章人物志所
紀炳歷官本末與史多有不合如史云炳至
正中從軍於浙而志乃云為叅政於光使金
陵不知所據史云炳以言事為典籤而志乃
云先叅贊沐總制守鎮江尋授廣東衛知事
考其弔余闕墓文結銜稱大都督府掌記在
洪武十二年而哀曹國公詩有三年叅記府
句文忠以洪武三年領大都督沐英以洪武
四年同知大都督府以年數計之不應未授
典籤先叅贊沐英軍事前後亦相舛迕蓋稗
官野史傳聞異詞往往如此今一以史文為
據而並存其同異以備考核又舊本書元國
號皆作原字蓋以明初刊板之時猶未奉二
名不偏諱之詔故以原代元而傳寫者仍之
歟事隔前朝理無避忌今悉改正從本文焉
乾隆四十六年九月恭校上

欽定四庫全書

劉彥昂集
提要

三

欽定四庫全書

劉彥昂集
提要

三

總纂官_臣紀昀_臣陸錫熊_臣孫士毅

總校官_臣陸費墀

劉彥昂集原序

子每情抗物表神凝化初時復吟嘯以豁其滯曠然遐攬乎四始騷人以還篇什名家者輒詠繹其雅趣至於當世才子佳句膾炙人者得而味玩不輟乎口苦亦卑焉詩雖無作其得詩家之真趣者幾希湖海間大丈夫每有以劉彥昂詩見示余多為之賞歎但弗克與之晤語為憾丁丑冬迺惠然過我懼如平昔相與唱酬有諧金石因取其疇昨所製而觀之有若闢武庫而森乎五

欽定四庫全書

劉彥昂集
原序

兵也聆廣樂而揚乎八音也又若臨鉅浸而濤波衝激魚龍出沒抃舞莫測也諷之不能去手匪其才識瑰邁該涉博備豈若是哉可謂肩盛唐而擬諸晉魏者矣夫誰曰不然其睥睨詞林高出時輩固宜有所珍尚是用錄木傳之將來洪武著雍攝提格之歲季春下泮叙立虛羽人

鄱陽劉君彥昂工於詩嘗集其所作春雨軒集以示余且請序之予惟詩之道大矣盈天地之間烟雲之卷舒

風霆之震蕩日月星辰之森列山川之流峙草木之榮

華鳥獸之飛走魚龍之變化無非詩也自蘇李下至唐

人各以所見自為一家言獨杜甫氏涵渾浩博兼備眾

體所謂傑然者矣予年十六七刻苦學詩茫乎若望洋

而不見其涯涘也兵戈之餘年邁而志益衰有愧於彥

昂多矣予觀彥昂五言類韋蘇州律詩本少陵樂歌駸

駸乎漢魏晉宋齊梁矣何其聲之似古人也蓋若天姿

卓犖神思俊逸喜遊名山大川有烟霞泉石之趣閒居

欽定四庫全書

劉彥昂集
原序

靜室奇花異卉清流美竹焚香鼓琴危坐終日視人間

富貴澹如也故其詩清新而流麗及馳騁戎馬決勝籌

帷奇謀雄辯有古烈士風故其詩悲壯而沉鬱詩以言

志豈徒然哉君今以文學躋顯庸佐方伯以殿南服偃

武修文維其時矣方將隆雅頌之音鳴治平之盛被絃

歌而刻金石當不止於今日所觀也僕雖無用於時願

擊壤而和之翰林學士臨川危素序

予昔與劉君彥昂遊見其賦詩多俊逸心獨奇之及其

奉命佐戎幕於閩別去且十年重會秦淮上亟問近什
如何彥昂解橐中得數十篇予讀已大驚璞玉輝春蟻
珠浴月溫潤清逸何其似韋應物歟勝軍百萬鼓行沙
漠風酸霜苦鐵騎驚秋雄渾悲壯何其類岑嘉州歟英
英乎芙蓉濯太液之波楚楚乎蘭茝沐湘沅之雨氣韻
秀麗何其近謝康樂歟商敦周彝朱湮翠蝕龍章鳥蹟
欽識獨存典刑古雅若樂府諸題又何其駸駸乎漢魏
之風也蓋彥昂天分既高人功又深凡有模擬輒步驟

欽定四庫全書

劉彥昂集
原序

似之予今猶舉其槩而言之也嗚呼予昔學詩長薌公
謂必歷諸體究其制作聲音之真然後自成一家彥
昂之學正與予同自愧跛躄之行不足以追逸驥尚何
言哉然又竊恠彥昂何以能致於斯也頗聞其先人友
梧翁乃月灣吳公高弟善為詩與文靖虞公文安揭公
禮部吳公極相友善遂由縣文學薦入詞林未上而大
其家庭相傳必有卓絕於人者不然彥昂之詩何為膾
炙人口而不厭哉其能垂世傳後當不疑予差矣文采

衰矣不能有所發越矣姑據昔奇彥昂者為之序以自
附知言之士云翰林學士金華宋濂序

賦詩難而知詩為尤難蓋能知者固不在於必賦而能
賦者固在於必知也永嘉李季和氏嘗與予論古今人
詩亦曰千里馬常有而伯樂不常有信矣哉予讀劉彥
昂氏春雨軒集驚喜數日忘倦觀其長篇短章體制各
殊非流連光景者所可擬也若樂府諸題儼乎漢魏遺
響殷殷乎金石之聲悲壯雄渾古意猶存安得起吾季

欽定四庫全書

劉彥昂集
原序

和而見之寧不為之擊節而起舞乎烏乎大雅希聲寡
寥久矣黃鍾毀棄瓦釜雷鳴斯所以謂知詩為尤難也
千里之姿可不表而出之為之歌曰緊房星兮孕精濯
渥洼兮降靈鳳翼兮矯矯脊虎文兮英英駕鼓車兮
康衢籟浮雲兮上征遡天風兮萬里期振鬣兮長鳴歌
闕彥昂拜而謝曰伯樂一顧價增十倍吾今知駿骨之
不虛售也彥昂都陽人先大夫友梧君與吾同事場屋
辱交於王眉叟真人之丹房而觴飲焉時泰定丙寅之

秋也彥昂於子有通家之契焉信乎其家學之有淵源也故為題其篇首子愛其詩兼諸體制各殊特為評點庶不負其用心之苦使知詩者覽焉泰定丁卯進士第承務郎建德路總管府推官會稽楊維禎序

作詩難觀人之詩尤難人莫不曰詩本情性吁知詩之本乎情性當知其賦詩者或有所感有所為有得題而賦有偶然而作雖有不同然其組織煅煉之工格律句法之妙要歸於情性之正蓋不可易而觀也鄱陽劉昂

欽定四庫全書

劉昂馬集
原序

五

翁其生平之問學抱負遊宦履歷憂喜哀樂一發之於詩其為句必煅煉故工緻而雅麗其體格必模倣故富贍而有法叙事有次第論事必確實寫懷必和暢可謂得作詩之情性也古體之冲淡長篇之春容八句之森嚴絕句之簡潔一字煅煉之不苟一句治擇之必精全篇首尾氣脉之聯屬華靡不流於艷冶恬淡不失於枯澀此作詩之良苦觀詩之艱難也及觀危宗二翰林之序楊提學之評周侍御之稱許徐叔度之後序足以知

其詩矣竊記僕始冠時侍楊提學周侍御以嚴事之叔度則友之也今亡矣昂翁與僕俱亦白髮矣而翁竟以詩得名湖海浪跡江漢重蒙賞鑒而刻傳之可謂榮矣然則讀其詩者可不知其用心之獨苦耶凡詩有紀境之實狀景之殊叙事與寫情意之妙其善於模寫能變化融會優柔不迫得情性之正非功夫之到造詣之深者不能也此則作詩之難而觀詩尤難也翁且俾僕著一言自愧衰病之餘其何以措辭姑書此附姓名於篇末云俞貞木撰

欽定四庫全書

劉昂馬集
原序

六

欽定四庫全書

劉彥昂集卷一

明 劉炳 撰

楊維禎 評

賦

歌風臺賦

岱岳截雲黃河觸雷豐沛曼衍青徐縈迴數仞崩九層崔嵬危基立壁臺砌欲摧雨剝沙石烟棲莓苔野樹

欽定四庫全書

劉彥昂集

銷沈陰雲晝靈征馬過之振鬣而躑躅飛鳥欲度斂翼而悲哀顧父老而問曰茲所謂漢高皇湯沐之邑歌風之遺臺也耶想夫坑灰未冷漆烟尚凝使若獻璧滹池告靈沙丘之輜車未啓四海之鮑魚煽腥望夷鹿失草澤蛇驚西郊之鬼母屢泣芒碭之龍氣已成爾其寶劍始握赤幟一麾龍吟而風雲奮激虎嘯而草木靡披陳涉感鴻鵠之數張耳動燕雀之悲燕趙摩壘齊魏偃旗于以率三軍之衆于以陳九伐之師拯生民於水火甦

大旱於虹霓迨夫關輔前驅函谷既開轟雷隱輦長雲

列戟殺氣填空腥烟簸礫劍光迸星麾幢蔽日熊羆震

駭虎豹悸慄一戰而土崩瓦解解再戰而揚沙走石天地

為之低昂川海為之蕩潏及夫董翳授首章邯失律諸

侯主臣俯伏喘息山東豪傑知入關之先子嬰繫頸降

軹道之側所謂百二全秦之山河黜其無色矣想夫隆

準龍顏豁達大度扶義而西莫不景附囊括圖書封籍

府庫玉帛無所取子女無所顧示三章之約法動萬民

欽定四庫全書

劉彥昂集

之鼓舞化呻吟於謳歌同赤子於慈母慨相見之何晚

恐延留之不固若夫項王嗜啞萬人皆廢方其入關莫

敢仰視一舉咸陽三月之火益重金刀九鼎之勢及漢

軍於霸上宴鴻門於兒戲將軍有意於督責敢不逡巡

而辟易等饒肉於虎口同垂食于魚餌張良獻玉斗以

請成亞夫示寶玦而肆志衝冠已見於怒髮斗酒何辭

於生羴繫成敗於毫縷睹天地於一擲嗟夫垓下之歌

騶兮不逝徒喑鳴增蓋世之雄知忠厚有回天之力固

韓越之告功亦蕭曹之成計也及其羣雄既削四夷日
寧定都宏宮室之制推功誓帶礪之盟論三傑有股肱
之效致四皓有羽翼之成想其寬民愛人雄吞八荒已
化家而為國念桑梓之莫忘六轡既啟八鸞載將黃屋
前設紫蓋後張翠華耀虹霓之彩金鉞晃日月之光干
羽舞于兩階旌節列於五方千官景從萬騎騰驤馳道
塵清於草色輦路雨霽而春芳駕鼓車於橐駝奏蕭韶
于鳳凰宮仗璀璨仙班琳瑯爰止舊都旋歸故鄉萬姓

欽定四庫全書

劉彥昂集
卷一

三

嵩呼里閭輝煌父老懽騰而謳歌兒童駿奔於壺漿會
故人而置酒因起舞而增傷登高翹首指顧寥裳悲壯
慷慨感昔徬徨須千秋之萬歲終魂魄之來翔威已加
於四海德咸被於萬邦慨猛士之何在思守成於四方
瞻雲氣之昭回歌大風之飛揚思示儆於來裔闡制作
於非常廼命太史協吉呈祥高山是甸固阜為岡厥土
燥剛厥位面陽既經且營爰度而量緣版幹之轟轟勒
菴築之鏜鏜萬杵既殷百庸克襄咸鳩工而畢事爭輸

力而踉蹌何經始之不日宜庶民之交相也嗟乎姑蘇
壯麗銅雀迤邐構炫日之雕題貯如雲之歌妓奏午夜
之歌鐘艷三春之羅綺恣聲色於荒淫塗生民於膏髓
終麋鹿之來遊亘後世其誰齒孰若我皇海宇一匡安
不忘危內修外攘仁以為紀義以為綱禮以為隄智以
為防卷杯土奠乎九域屹八柱表乎中央所以成漢家
四百年之基業垂鴻猷於萬代而無疆也

太史評曰備盡漢事惜用韻未純耳

欽定四庫全書

劉彥昂集
卷一

四

脩竹賦

繫綠竹兮脩脩羅生兮庭之幽體匪草兮匪木質克剛
兮克柔非分幹兮淇園之澳必濯根兮渭川之流爰貞
心兮自守故堅節兮獨道凌霜雪兮素操不改假雲烟
兮繁陰愈稠豈競芳兮桃李欲干勢兮斗牛清韻兮夏
玉寒光兮翠浮動西風兮三逕夜雨淡明月兮空庭暮
秋其清也巢由兮未擬其直也史魚兮莫儔其虛也顏
回兮屢空於陋巷之下其癯也夷齊兮不食於首陽之

陬亦托跡於蔣調曾結知兮王猷唐六逸兮是隱晉七
賢兮寶遊或述典謨兮傳簡於翰墨或托宗廟兮列籙
於庶羞或同飭兮桑弧或協律兮鳴球宜比德兮君子
終化龍兮莫可留也極遐思兮仙子終騁鷹兮莫可求
也亂曰君山暮兮湘雲飛洞庭波兮春離離吹參差兮
增我悲洞庭波兮湘水深竹上之淚兮秋陰陰歌滄浪
兮傷我心

太史評曰語意清麗可讀

欽定四庫全書

劉秀萬集
卷一

操

箕山操

堯讓天下於巢父巢父曰君之牧天下猶予
之牧犢吾無用天下為莊子有樊仲父牽牛
飲水見巢父洗耳驅牛而還恥令牛飲其下
流也

清流泱泱箕山之陽樛木森森箕山之陰嗟嗟巢父豈
洗其耳實潔其心

評曰結語是

崩城操

杞良妻杞殖妻妹朝日之所作也殖戰死妻
哭而城崩遂投淄水死其妹悲之

朝從城上哭長城與雲齊暮從城下哭長城化為泥嗚
呼城已崩兮猶可築夫君死兮身可贖妾寧化魚淄水
底立廟祀君君血食

石婦操

欽定四庫全書

劉秀萬集
卷一

即望夫石也悲其夫之不還也

朝朝山頭望日日願夫歸夫君不歸將疇依妾身已一
難再失寧向山頭化為石山崩石應墮江水千年萬年
清到底

評曰言婦節也

前旌操

衛後母子壽母欲殺前母子伋而立壽使伋
乘舟將沉而殺之壽知之與伋同載舟不得

沈又使彼之齋令寇見載旌者殺之齋又竊
旌前行盜見殺之彼載齋屍還亦死

同舟幸濟兮子豈無咎前旌喪原兮盜莫之究仰叩天
兮青青俯呼地兮冥冥爾由我死兮竟沒身於無罪予
敢愛生兮致淑德於無旌嗚呼兮已輿尸于故國誓甘
執鞭兮九京

評曰可怨

殘形操

欽定四庫全書

劉彥昂集
卷一

曾子夢見一狸不見其首作

夢生於觸兮狸偶異形吉凶有定兮夢胡足憑嗟嗟巫
咸兮不疑何徵

履霜操

尹吉甫子伯奇無罪為後母所譏見逐集荷
為衣採掇花以為食作歌投河而死

嗟譏言之構兮父豈無知父將不聞兮母心則離朝履
霜兮夕採掇食撫二弟兮惟順弗違嗟嗟蒼天兮父母

孔安兒兮兒兮死案以悲

評曰可謂仁言

桑中操

魯秋胡仕陳歸見採桑婦悅之以金婦不從
及歸見母母呼妻出識之醜其夫行遂投沂
水死之

秋胡歸陳息桑陰兮見彼美姝悅以金兮重色忘親何
荒淫兮嗟彼丈夫無怙心兮婦以義決誠千載之箴兮

欽定四庫全書

劉彥昂集
卷一

精衛操

炎帝女溺死滄海化為精衛日銜西山木石
以填之怨溺死也

海石白凝雪海波青照天銜石填海無窮年但願滄海
揚塵化為土爾無冤兮爾無苦

劉彥昂集卷一

欽定四庫全書

劉彥昂集卷二

明 劉 炳 撰

楊維禎 評

五言古詩

擬古

今人多結勢古人多結心結勢可趨利結心能斷金金堅義亦固利厚害彌深往者不咎昔來者常鑒今

欽定四庫全書

劉彥昂集卷二

得漢舞簡周伯寧索香灰

古舞多欵識蟠螭漢篆存黃金銷土色翠羽蝕雷文綺席流寒月銀屏度綠雲蘭灰能裏寄長吟晝夜分

春夕直左掖懷周侍郎

晚雨池上晴遙迤淡將夕金莖華月生綺樹流雲濕窓虛漏聲永慢捲爐烟襲憶我同袍人何由共瑤席

簡孔博士

宿雨曉還歇開窓銷鬱沈烟光藹芳樹池上鳴幽禽遠

迤瞻郡齋窈窕期盍簪孤懷屢百積羣疑思一箴何時聯夜榻春漏委波聲

評曰倣韋也

左掖門朝退呈吳待制諸公

謬忝金閨籍聯班趨晚朝遠迤西上門窈窕長安橋殘雪帶遠樹夕陽在山腰不有同袍者疇能慰寂寥

張禮部卧疾

殘雪晚還霽窓虛斜日迴故人久卧疾空堦生綠苔兒

欽定四庫全書

劉彥昂集卷二

童語藥裏吏牘委塵埃浮榮每為幻長嘯望層臺

別京邑之東阿

前年別鄉閭今年出京邑悠悠去江漢杳杳事行役所懼心志違況此風波急烏啼楓樹烟雁下蘆洲夕回首望長安蒼茫寸心失

憶園廬

種園在東臬草荒瓜蔓長日落秋樹涼寒衣獨還往時逢野老總自足田園賞沿溪暝還歸古寺烟鐘響

示宜學績學甲戌三月題

阿爺五十四憐汝纔始生恩育夙夜謹眉目秋水清行
如生鹿跳語若流鶯鳴常時恣嬌頑計日期長成爾祖
豪傑姿聲聞州郡欽一顧等成敗片言能重輕田園巨
阡陌兵火成榛荆千頃遺寸波百田繞一塍官租因訟
致薄業寧躬耕不辭生理苦所懼徭役并嗟予早失怙
慈親訓遺經遭時風塵黑扶日雲霄青簪筆侍禁闈通
籍居承明衰年遂冉冉薄宦徒營營辭官歸故園葺屋
欽定四庫全書

劉彥昂集
卷二

三

依先塋着花眼如霧種竹髮已星貧無金在囊家有書
滿籬念汝未強壯立身恐伶仃痛逼骨肉懷感慈肝膽
驚男兒在忠孝業學崇勲名題詩冀汝識慰我桑榆情

賦清華堂詩

皇威戒安逸翰苑游神機天球列東序玉藻羅北扉
蜿蜒紫氣潤璀璨虹光輝奎彩動黃閣文光照彤墀
鼓枹洙泗源遵舟伊洛渚梁追昭明轍漢軼東平輓瀛洲
浮暖吹銀潢演春漪芝蟠五色葉桃發萬年枝墨沼鵝羣

浴書林燕子飛花陰移鶴仗竹色來鳳儀共沐恩波潤
咸蒙聖澤滋河清仰文化同軌固磐基

聽雨堂為安成周氏賦

中年迫宦遊邈若胡與越悠悠烟樹遙杳杳關河絕
况茲風雨夕坐惜鴻雁隔荒墳寧共理孤燈耿還滅懷寶
重經濟括囊貴明哲何時對牀眠憫此腸內熱

敬軒詩為王達善賦

深巷何窈窕端居掩柴荆素心每無欲寡樸輕浮榮慮
欽定四庫全書

劉彥昂集
卷二

四

靜默自守神清淡忘形危坐白日晚疎林微雨晴開窓
幽鳥啼滿階芳草青焚香奏絲桐愛此銷塵嬰孤雲野
鶴吸絕壑流泉鳴高懷曠而婉雅音誰復聽古人良已
久寸心千古情

郡齋讌集詩呈徐用中廣文諸先生

郡齋文墨暇履端集朋曹春意藹萱草臘痕封柳條
臆喧書壺散簾深爐麝飄嘉園剪新韭芳壺湛清醪青
甘浮橄欖紫葂吹蒲萄舒此羈旅况豈夸樽俎豪禮簡貴

情厚心親自神交所念萍水逢回首江漢遙何殊瀛洲
步未讓淮南招俯仰慰夙慕綢繆幸今朝題詩謝永好
蕪詞慚草茅

聞魯志敏訃音

故國猶傳箭中原未解戎遙聞故人死雙淚落秋風

五言律詩

題呂花園草堂朱雀橋

何處銷殘暑城南茅屋幽晚烟將野色春樹帶江流愛

欽定四庫全書

劉孝馬集
卷二

竹從兒種耽杯與婦謀生涯成老圃不是故時侯

郊居雜興柬陳遂良

桃李漫成蹊茅堂習隱棲泉聲溪碓急山色野牆低相

領原非燕園腰底用犀不嫌生理拙抱甕灌吾畦

風雨行人少柴門午上扃土花沿砌碧山果墜枝青病

眼耽書癖衰顏托酒星經邦方上武寂寞抱遺經

題朱澗槃卷

遙峯連碧澗茅屋俯青林徑晚花粘屐松寒雨潤琴酒

甘和菊醖詩苦帶茶吟却憶文園老歸來雪滿簪

寄子昇必昭昆季

烏石山頭路秋風已送涼野橋苔浸碧雲碓稻春黃扇

影搖衣桁書聲出草堂惠連無俗事垂釣濯滄浪

夜直呈翰林諸友

中使傳金鑰嚴兵戒紫扉月高旗影直風急漏聲微鵲

倦驚龍燭螢閒綴鳳幃不眠瞻北斗拜舞敢遲違

六言詩

欽定四庫全書

劉孝馬集
卷二

歸舟懷善鄴廣海未回

梅子黃垂雨霽榴花紅簇風輕天際歸舟何處日暮柴

門自扃歌憶杯痕蠅綠鬢憐鏡影驚青心折少年塵夢

絳囊夜照流螢

秋夜對月寄汪宗彝

宮樹涼生絳闕玉階影轉銀河曾侍梨園供奉夢魂猶

記笙歌

抗節誓清瀚海請纓願繫樓蘭塵澀腰間白羽猶思射